

Sarkina Bt Mat Saad @ Shaari

From: Unit Komunikasi Korporat
Sent: Monday, April 1, 2019 10:05 PM
To: UUM - All Staff; UUM - All Students
Subject: Universiti Beri Sokongan Kepada Pensyarah Dan Tutor Tamatkan Pengajian PhD — Naib Canselor



Unit Komunikasi Korporat
CORPORATE COMMUNICATION UNIT
Universiti Utara Malaysia

01 APRIL 2019 / 25 REJAB 1440H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Mohd Amir Aizat Sainon
Gambar oleh: Abdul Halim Husain

UNIVERSITI BERI SOKONGAN KEPADA PENSYARAH DAN TUTOR TAMATKAN PENGAJIAN PHD — NAIB CANSELOR



UUM ONLINE: Pensyarah dan tutor Universiti Utara Malaysia (UUM) yang masih belum berjaya memperoleh Ijazah Doktor Falsafah (PhD) harus menyelesaikan pengajian masing-masing bagi memastikan universiti terus mempunyai pelapis untuk mencapai agendanya menjadi Universiti Pengurusan Terkemuka.

Naib Canselor, Prof. Dr. Ahmad Bashawir Abdul Ghani berkata walaupun baru berusia 35 tahun, UUM perlahan-lahan menjadi "universiti tua" kerana ramai staf yang akan bersara.

"Apabila pensyarah-pensyarah ini bersara nanti, tugas dan tanggungjawab untuk memacu kecemerlangan universiti terletak di tangan anda.

"Persaingan dengan universiti lain sama ada universiti tempatan mahupun luar negara sangat sengit pada masa ini dan kita memerlukan ramai tenaga kepakaran untuk bergerak ke hadapan dan membawa UUM ke tahap lebih tinggi.

"Justeru anda perlu selesaikan pengajian PhD ini tidak kira sesukar manapun cabaran dihadapi," ujar beliau pada Majlis Perasmian Bengkel Pembangunan Modal Insan anjuran Unit Pengajian Lanjutan, Jabatan Pendaftar di TH Hotel and Convention Centre, Alor Setar.

Menurut beliau perjalanan untuk menggapai ijazah PhD bukanlah sesuatu yang mudah, cepat dan menyeronokkan namun ianya tidak mustahil boleh dilakukan.

"Saya faham ianya adalah suatu perjalanan yang sunyi, sukar dan mencabar. Saya dan rakan-rakan lain juga pernah melaluinya.

"Namun saya pasti dengan sokongan daripada pengurusan universiti dan tunjuk ajar daripada profesor-profesor berpengalaman seperti Prof. Dr. Rushami Zien Yusoff ianya boleh dilakukan.

"Universiti akan terus membantu dan memberi sokongan dalam perkara ini namun anda juga harus berusaha dan memberi komitmen sepenuhnya bagi menyelesaikan pengajian PhD masing-masing," jelas beliau.

Sementara itu, Pendaftar, Baharudin Yaacob berkata jumlah pensyarah UUM yang mempunyai PhD sehingga kini adalah sebanyak 77%.

"Pada tahun ini seramai 32 pensyarah yang mempunyai PhD akan bersara wajib dan sekiranya kekosongan itu tidak diganti sudah tentu jumlah pensyarah yang mempunyai PhD akan berkurangan dan secara tidak langsung memberi kesan kepada pencapaian UUM khususnya dari segi ranking," katanya.

Beliau berkata universiti mensasarkan jumlah pensyarah yang mempunyai PhD adalah sebanyak 85% pada tahun 2020.

Kira-kira 80 pensyarah dan tutor yang telah tamat cuti belajar tetapi belum mendapat PhD terlibat dalam bengkel selama tiga hari yang berlangsung dari 31 Mac hingga 2 April.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
04-928 3048/3049/3052/3061
04-928 3053
ukkuum@uum.edu.my
Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.